



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Fasti Mariani

Brunner, Andreas  
Pfeffer, Wilhelm

Antverpiæ, [1659 erschienen] 1660

S. Ioannes Chrysost. Episc. 27. Ianuarij.

**urn:nbn:de:hbz:466:1-42032**

exhorrescere Diuum videret, audaciã linguam ar-  
mante, *Nosce nos*, ait *amabo*. At POLYCARPVS, vul-  
tu ad severitatem composito, id tantum respon-  
dit, *Novi equidem primogenitũ Sathana*. Cæterum  
Romæ cum degeret, divinitus de morte suã edo-  
ctus, lictoribus obviam progreditur. Sub pugnæ  
initium voce è cælo animatur, jamque Christo  
malè jussus dicere: *Quis*, inquit, malè illi possum  
dicere, qui ipsos LXXX. annos famulanti sibi mali  
nil fecit unquam? Ergo ad rogam damnatur. Sed  
virtutem ipse absolvit ignis, dum tangere veritus  
structã velut è flammis porticu ambit innocen-  
tem, nec jam lædit, sed tegit, suavissimum interim  
in adstantes odorem ejaculatus. Ad extremum  
gladio confossus sanguine ignem extinxit, nobili  
nimbo, & quem vel suis imbris cælum præfert.

*Ex Surio.*

*Quando tu hodie in mundo constitutus & cras  
tribunali Dei presentandus audes blasphemiam  
proloqui? & non metuis ne fortè ignis de cælo des-  
cendat & te devoret; tuum os adversus omnipoten-  
tem aperis, neque vereris ne terra sub te disrum-  
patur & te absorbeat? S. Ephrem paræn. 83.*

S. IOANNES CHRYSOST. EPISC.

27 Ianuarij.

CHRYSOSTOMVM laudibus suis pingat alter  
Chrysofomus; nos umbram damus. Non-  
dum Pontifex Byzantinus erat IOANNES, cum in  
ejus conspectum se dedit Apostolorum Princeps  
D. Ioanne Evang. comite, & sanctioris potestatis  
ac magisterii indices claves illi ac librum obrulit.  
Et verò quid mirum, si hoc Doctore etiamnum  
orbis gaudeat, qui præcepto rem magnum Pau-  
lum

lum, imò eundem cum Paulo magistrum Spiritum S. habuit? Nam hunc obvolitantem capiti suo, dum sacris operaretur, conspexit ipse; illum dum ad mensam scribere, assistere distantem similem alij etiam viderunt. Talis itaque IOANNES cum urbe suâ hæreticos, & cum his vitia alia, ac blasphemiam imprimis proscriberet, sanctæ libertatis vindex acerrimus, æqui justiq; unicus amator in odium Augustæ Eudoxiæ incidit: nam IOANNES imperij sui etiam in Reges memos templi aditu gravibus ex causis profanam prohibuerat, & in statuam ejus, quæ propter templum choreis ludisq; non sanctis colebatur, graviter detonuerat; jamq; secundum exul in meliorem patriam cælum abiit, ad id à geminis, quos supra memoravimus, Apostolis & D. Mart. Basiliaco invitatus. Siluit itaque aureum hoc os anno post reparatam salutem septimo supra quadringentesimum. *Ex Surio.*

*Tene sobriam religiosis virtutibus disciplinam: se tibi vel oratio assidua, vel lectio; nunc cum Deo loquere, nunc Deus tecum; ille te præceptis suis instruat, ille disponat: quem ille divitem fecerit, nemo pauperem faciet. S. Cypr. Ep. 2. ad Don.*

### S. IACOBVS POENITENS.

28. Ianuarij.

**H**Ominis, mi lector, speculum cape & peccatis & poenitentis; IACOBUM inspice. Hic postquam Anachoretæ XL. omnino annos DEO militavit, miranda maxima patravit, trophæa de hoste inferno statuit plurima! id ætatis vir à feminâ demum triumphatur, & ab eâ feminâ, in quâ ipsum cacodæmona non horrerat, imò è quâ